



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Acta Ecclesiae Mediolanensis**

Acta Synodalia Dioecesana Ecclesiae Mediolanensis, Pars Secunda

**Borromeo, Carlo**

**Brixiae, 1603**

Ordo ministrandi sacram communionem.

**urn:nbn:de:hbz:466:1-11399**

De preparatione, quam adhibebit Parochus in communione frequentis populi.

**C**VM dies inflat communionis sacre frequenti populo ministrade, pridie illius diei Parochus scamna oblonga, & alta, & lata ad formam prescriptam apparabit: mappas itidem a sordibus puras, & candidas, quibus illa recte ordineque sternantur, pro frequentis populi ratione.

Parabit mappam lineam subtili textura nullo artificio elaboratam, que cubitis tribus longa feratur, si opus sit, sub pixide, & manibus ministrantis.

Scabella duo decentia: in quibus collocentur vasa, & cetera ad purificationis usum.

Mantilia ad scabella illa sternenda.

Intortitia duo, plurave, pro ratione diei solennis; quibus lucentibus clerici itidem duo preceant sacerdotem ministrantem.

Clericos parochie sue omnes stata communionis die presentes adesse pramonabit: qui superpellico induti, ministrantem pro munere sui functione adiuvent.

Altare vnum maribus, alterum sceminis constituet, ubi communicent; maxime si ingens populi sacram communionem sumentis multitudo est.

Deliget vero in sacra communionem sceminis ministranda, si opus sit, sacerdotem adiutorem spectata integritate; & clericos probatos, qui illum ministrantem etiam adiuvent.

Omnibus recte paratis, vespere, aut prima hora noctis signum campanarum solenne dabit, quo fideles, qui sacram communionem postridie sumpturi sunt, se excitent ad meditationem, orationem, omnemque aliam pietatis preparationem: alij vero etiam presentur sibi id gratie dari, ut desiderio, & voto sacre Eucharistie sumende incenduntur, quod frequentius ad diuinam hanc mensam veste nuptiali ornati accedant.

Inter communicandum preterea id etiam per alium idoneum sacerdotem aliquando prestabit, ut verborum ponderis, & sententiarum quasi saculis, op-

portunaque aliqua, & breui cohortatione populus collectus excitetur, cum ad hanc sanctissimam preparationem, tum ad frequentiam huius sacramenti: preterea & ex veteri instituto antiphona, & psalmos item, ut infra, a reliquo clero parochiali religiose cani studebit; & etiam repeti, si spatium detur.

Ordo ministrandi sacram communionem.

**P**arochus sanctissimam Eucharistiam ministraturus; si quidem intra Missam, seruentur rubricis Missalis; si statim post Missam, casulam a parte Evangelij, & manipulum deponit: si alio tempore, lotis manibus induit superpelliceam, & stolam rubri coloris: ad gradus altaris orat: mox ascendit.

Facta genuflexione, ad populum conuersus, a parteque Evangelij stans capite aperto, sermonem habet ad communionem accommodatum, si tempus opportunum dabitur.

Deinde monet, qui communicaturi sunt, ne accedant, nisi pacem cum proximo habeant; & omnino nisi recte purgati sint, & preparati.

Rursus genuflectit; pixidem de tabernaculo extrahit; aut si extracta est, eam aperit; & repetita genuflexione, a parte Evangelij consistit, ita versus ad populum, ut tamen etiam sanctissimum sacramentum reuerenter manibus iunctis aspiciat.

Tum Diaconus, aut Clericus superpelliceo indutus a parte epistolae genuflexus, monet omnes, signum crucis sibi quemque adhibere; ipseque alta, & clara voce signans se dicit: In nomine patris, & filij, & spiritus sancti. Amen. & manibus iunctis confessionem generalem dicit eadem voce, & tarda pronuntiatione: illis simul cum eo distincte pronuntiantibus; aut saltem attentissime audientibus.

**C**onfiteor Deo omnipotenti, Beate Marie semper virgini, Beato Michaeli Archangelo, Beato Ioanni Baptiste, sanctis Apostolis Petro, & Paulo, Beato Ambrosio confessori, omnibus sanctis, & tibi pater; quia peccauimus

animis cogitatione, verbo, & opere, mea culpa, mea culpa, mea maxima culpa: Ideo precor Beatam Mariam semper virginum, Beatum Michaellem Archangelem, Beatum Iohannem Baptistam, sanctos Apostolos Petrum, & Paulum, Beatum Ambrosium confesorem, omnes sanctos, & te pater, orare pro me ad Dominum Deum nostrum.

Qua confessione pronunciata Parochus dicit: Deo gratias. Tum statim pergit dicere, manibus iunctis.

Misereatur vestri omnipotens Deus: & dimissis omnibus peccatis vestris, perducat vos ad vitam æternam. *R.* Amen.

Post manu dextera crucis signum fidelibus communicantibus adhibet, & dicit.

Indulgentiam, absolutionem, & remissionem omnium peccatorum vestrorum tribuat vobis omnipotens, & misericors Dominus. *R.* Amen.

His pronunciatis ad altare se conuertit, genuflectit, manu sinistra pixidem apprehendit: & conuersus in medio altari ad populum, duobus digitis pollice, & indice sacramentum accipit, paululumque de pixide eleuat.

Tum Diaconus, vel Clericus genuflectus ut supra, clara voce dicit:

Domine nõ sum dignus, vt intres subtectum meum; sed tantum dic verbo, & sanabitur anima mea.

Quod iterum, ac tertio repetet; per singulas vices pectus percutiens. qua formula etiam vtendum est, cum feminae comunio ministratur. & qui communicaturi sunt, vnã cum clerico eam pronuntiabunt, saltem submissa voce.

Postea Parochus ad communicandum accedit; initiumque facit ab ijs, qui a parte epistolæ sunt; singulisque sacramentum præbens, signum crucis super pixidem ante faciem communicaturi faciens, dicit.

Corpus Domini nostri Iesu Christi custodiat animam tuam in vitam æternam, qui accepturus est respondet, Amen.

Videat verò Parochus, vt antequam sacramentum præbeat, satis spatij relinquat ad dicendum. Amen.

Dum sacramentum præbet, adsit minister superpelliceo indutus, qui va-

sculum purificationis manu dextera tenens, sinistra mappulam ad abstergendum os, Parochum modico interiecto spatio sequitur, & ministrat vasculum ad purificandum, & mappam ad abstergendum. quod vasculum ita poterit etiam foeminis ministrare; vt cum primæ porrexerit, ipsa reliquis det, & omnes inter se tradant.

Si præbendo sacramentum, digitos ex ore communicantium madefaciat; purificatorium sibi in pellicula decenter afferri iubeat, quo eos abstergat, vel ipse ad altare reuertatur, & id faciat.

Parochus posteaquam omnibus sacramentum præbuerit, digitis pollice, & indice, quibus ministravit super pixide simul iunctis, ad altare reuertitur. Ibi deposita pixide supra corporale, eaque contexta, tum facta genuflexione, statim digitos, quibus sacramentum tetigit, a parte epistolæ vino, & aqua abluit in vase non consecrato, quod præbetur ijs, qui communicarint: tum purificatorio abstergit: & rursus facta genuflexione, pixidem reuerenter reponit: & dicit.

*V.* Dominus vobiscum.

*R.* Et cum spiritu tuo.

Oratio.

**D**omine sancte, pater omnipotens, æterne Deus, te humiliter deprecamur: vt accipientibus fratribus, & sororibus nostris sacrosanctam Eucharistiam corporis, & sanguinis Domini nostri Iesu Christi filij tui, & animæ, & corporis sit salus. Per eundem Dominum nostrum &c.

*V.* Dominus vobiscum.

*R.* Et cum spiritu tuo.

Kyrie eleison, Kyrie eleison, Kyrie eleison.

*V.* Benedicat, & exaudiat nos Deus: & dum dicit, signum sibi crucis adhibet. *R.* Amen.

*V.* Procedamus cum pace.

*R.* In nomine Christi.

*V.* Benedicamus Domino.

*R.* Deo gratias.

*V.* Pax, & benedictio Dei omnipotentis, patris, & filij, & spiritus sancti, descendat super vos, & maneat semper. *R.* Amen. & ita dicendo, signo

crucis